



**Ilinniartitaanermut kultureqarnermut  
Ilisimatusarnermut Ilageeqarnermullu  
Naalackersuisoq**

Dato: 16. oktober 2015  
J.nr.: 01.39.01.03-00161

**Kultureqarnermut, Ilinniartitaanermut, Ilisimatusarnermut, Ilageeqarnermullu  
ataatsimiititaliap ulloq 20. oktober 2015 nal 11.00 ataatsimiittarfik 2-mi  
siunersioqatigiilluni ataatsimeeqatigiinnissamut aggersarpaatit**

Kultureqarnermut, Ilinniartitaanermut, Ilisimatusarnermut, Ilageeqarnermullu  
ataatsimiititaliap matumuuna Ilinniartitaanermut kultureqarnermut Ilisimatusarnermut  
Ilageeqarnermullu Naalackersuisoq siunersioqatigiilluni ataatsimiinnissamut aggersarpaa .

Siunersioqatigiilluni ataatsimiinnermi uani annertunerusumik UKA 2015/63  
Eqqumiitsuliornermik ingerlatsineq pillugu Inatsisartut inatsisaattut siunnersuut  
eqqartorneqassaaq (eqqumiitsuliornermut inatsit). Siunnersuutip siullermeerlugu  
suliarineqarneranut kinguneranilu ataatsimiititaliamut innersuunneqarnerata kingorna  
ataatsimiititaliamit paasineqarpoq siunnersuummi arlalitsigut ersarluttunik  
allassimasoqartoq.

Pissutsini tamakkunani siullertut UKA 2015/163-ip inatsisartut UPA 2015/132-mik  
akuersissutiginninnerannut sanilliullugu saqqummiunneqarnerata aaqquussaaneranut  
tunngasut ersernerlupput. Aappassaattut siunnersuutip imarisai eqqumiitsuliorlut  
atugarisaannik pitsanngorsaataasussat inatsisitigut pisinaatitaaffii, inatsisip  
pisinnaatitsinera kiisalu inatsimmi oqaatsinik atorneqartunik ersarissumik  
killilersuinerlut tunngasut ersernerlupput

Siunersiuinnermi makku ataatsimiititaliamit eqqartorneqarusupput.:

**Eqqumiitsuliornermik ingerlatsineq pillugu Inatsisartut inatsisaata  
nassuiarneqarnera kiisalu killilersorneqarnera:**

1. Oqaaseq eqqumiitsuliornermik ingerlatsineq namminermini, oqaasilerinnermi kiisalu  
oqaatsimut kulturimut tunngatillugu Naalackersuisunit qanoq paasineqarpa?
2. Ataatsimiititaliap allakkatigut apeqqutaanut nr. 2-mut tunngatillugu  
akissuteqaamminni Naalackersuisut eqqumiitsuliornermut inatsit aamma  
kultureqarnermut inatsit immikkoortikkuminaatsippaat. Ataatsimiititaliamit  
apeqqut taanna itisilerlugu akissuteqarfigineqaqquvoq.

Naalackersuisut qullersaqarfiini eqqumiitsuliornermut inatsisip aamma kultureqarnermut inatsisip teknikikkut immikkoortinneqarsinnaaneri ataatsimiititaliamit akuerineqarput. Taamaattorli ataatsimiititaliamit Naalackersuisunut erseqqissaqquneqarpoq atuisunit qanoq illlutik eqqumiitsuliornermut inatsisip kiisalu kultureqarneq pillugu inatsisip immikkoortinneqarsinnaaneri nassuiaqquneqarpoq. (uani ataatsimiititaliap paasinninnera tunngavigalugu tassaapput eqqumiitsuliornermut kiisalu kalaallit nunaanni inuiaqatigiit sinneri).

### **Eqqumiitsuliornermik ingerlatsineq pillugu Inatsisartut inatsisaata kultureqarnermullu inatsisip ataqatigiinnerat.:**

Inatsisartut isumaqatigiittut UPA 2015/32 akuersissutiginninnerata kingunerisaanik ataatsimiititaliamit pissusissamisoortut isigineqarpoq Naalackersuisup Eqqumiitsuliornermik ingerlatsineq pillugu Inatsisartut inatsisaattut siunnersuut piareersareersimasoq sukumiisumik misissorsimassagaa.

3. Ataatsimiititaliap allakkatigut kulturip timersornerullu avinneqartarnerat pillugu apeqquteqaataanut nr. 1-mut ulloq 30. Juli.2015 Naalackersuisut ulloq 30. Juli 2015 akissuteqaataanut tunngatillugu: Kultureqarnermut aamma Timersornermut inatsisissatut siunnersuummik UPA 2016-mut saqqummiussisoqarnissaannik kissaatigisaqarnerat sooq eqqumiitsuliornermut inatsisissatit siunnersuutip nutaterneqarneranik kingueqartinneqanngila?
4. Eqqumiitsuliorneq pillugu inatsisissap matuma aamma siunissami kultureqarnermut inatsisissap imminnut ataqatiginnissaannik Naalackersuisunit qanoq naatsorsuutigineqarpa?
5. Kultureqarneq nukittorsarniarlugu ataatsimut kultureqarnermut inatsiseqarnissaanut periarfissaqanngitsut suna tunngavigalugu Naalackersuisut isigineqarpa, uani ilanngullugit eqqumiitsuliornermut atugarisaat kiisalu eqqumiitsulianik tamatigoortunik innuttaasut pingaartitsinissaat?

### **Eqqumiitsuliornermut inatsisip piginnaatitsinera:**

Inatsisissatut siunnersuutip 15-ani imatut piginnaatitsisoqarpoq:

*§ 15. Siunertamut naapertuuttutut isigineqarpoq, tapiissutinik allaffissornikkut aqutsinerup tamakkiisumik ilaannakortumilluunniit Namminersorlutik Oqartussat ataanni pisortaqaqfinnut suliffeqaqfinnulluunniit allanut Naalackersuisut isumagisassanngortitsinnaanissamut erseqqissumik tunngavissinnissaat.*

6. Tak. § 23 Naalackersuisut siulittaasuata Naalackersuisunut ilaasortat akornanni Naalackersuisut suliassaqaarfii agguataassavai. tamatuma saniatigut Naalackersuisunut ilaasortat ataasiakkaat allaffissornermi ingerlatsinermi qullersaassapput inatsisartuni peqqussutit allallu tunngavigalugit

politikikkut allaffissornermi ingerlatsinermi qullersaassalluni. Tamanna tunngavigalugu ataatsimiititaliamit Naalakkersuisut qinuigineqarput § 15. Naapertorlugu piginnaatitsineq toqqaannartumik qanoq paasisariaqarnerseq nassuiaateqaqullugit.

7. Immikkoortoq 2.5 Aningaasaqarnikkut allaffissornikkullu-mi ingerlatsinermi imatut allassimasoqarpoq:

*"Naalakkersuisut eqqumiitsuliortut kattuffii qanimut suleqatigalugit allaffissornikkut aaqqissuussisinnaapput, taamaalillunilu eqqumiitsuliornermik ingerlatsinermit tapiissutit allaffissornikkut aqutarinerat Kultureqarnermut Naalakkersuisoqarfiup avataanut inissinneqarsinnaalluni.*

Oqaatsip 'avataanut suliakkiinerup' Kalaallit Nunaanni Namminersorerullutik Oqartussat ataanni suliffeqarfiit/ingerlatsiviit kisimik pineqarnerisut imaluunniit ataatsimiititat nævniit assigisaallu naalakkersuisunit pilersinneqarsimasut tapiissutinik agguaaassisarnermik ingerlatsissanersut ataatsimiititaliamit uppernarsaquneqarpoq.

### **Eqqumiitsuliortut sulinerminni atugaat**

Kulturikkut ingerlatsineq sunngiffimmilu sammisassaqaqtitsineq pillugit Inatsisartut peqqussutaat nr. 10 2002-meersup nutarterneqarnera Nunatsinni eqqumiitsuliortut sulinermik atugarisaasa pitsanngorneqarnissaanut periarfissatsialattut ataatsimiititaliamit isigineqarpoq ataatsimiititaliamilli paasineqarpoq nuna tamakkerlugu sumiiffikkaartumillu politikikkut akisussaaffiup agguataarneqarnerata saniatigut ima oqaasertalerneqarsimalluni taamaallaat assigiinngitsutigut suliniuteqarnissamut periarfissaqarluni.

8. Ataatsimiititaliamit Naalakkersuisut qinnuigineqarput inatsisissatut siunnersuummi aalajangersakkani ataasiakkaani tunngavilersukkat nassuiaateqarfigeqqullugit Tullerriaarinermi makku qulaajaqquneqarput
- A) Eqqumiitsuliortut atugarisaannut pitsanngorsaataasinnaasut.
  - B) Inuttaasut eqqumiitsulianik atuinerannut pitsanngorsaataasinnaasut
  - C) Maannakkut Inatsisartut Peqqussutaanni 10 2002-meersuni qulakkeerneqareersimasut suliniutaasinnaasut, suliassaasinnaasut, pisussaaffiusinnaasut, inatsisitigut illersugaanerit

Ataatsimiititaliamit Naalakkersuisoq qinnuigineqarpoq qulaani taaneqartuni erseqqissaqqullugit, aalajangersakkani allassimasutut eqqumiitsuliortut inuuniarnerminni atugarisaanik pitsanngorsaataasinnaasut Kommunit/Naalakkersuisut pisussaaffiunersut imaluunniit kommuninut/Naalakkersuisunut periarfissaanersut. (pisiinnaasutut oqaatigineqarsinnaasoq).

(Qulaani takussutissat teknikikkut misissorneqarnissaat pissutigalugu ataatsimiititaliamit naatsorsuutigineqanngilaq siunersioqatigiinnermi oqaatsitigut qulaani pineqartut pillugit naatsorsuutigineqanngilaq nassuiaasoqarnissaa. Taamaattorli ataatsimiititaliamit qinnutigineqassaaq erseqqissaanerup siunersuilluni ataatsimiinnermi tunniunneqarnissaa)

Siunersioqatigiinnermi ataatsimiititaliamit mallu apequtigineqarnissaat naatsorsuutigineqarpoq.


Siunersioqatigiinnermi ataatsimiititaliamit nalilerneqarpat Naalakkersuisut apequtitut akissuteqarnissaannut piffissakillioortoqassasoq, naatsorsuutigineqarpoq akissutissat sinneri allakkatigut Naalakkersuisumit nassiunneqarumaartut.

-----

Ataatsimiititaliap aamma Iiniartitaanermut, Kultureqarnermut, Iisimatusarnermut Ilageeqarnermullu Naalakkersuisut akornanni angunikkat pillugit eqqartueqatiginnertut iluseqartinneqarnissaa ataatsimiititaliamit anguniagaavoq – nalinginnaasumik pingaartitanik anguniakkanillu eqqartuinerulluni. Oqaloqatigiinnermi ammasumik eqqartuisoqartariaqarpoq.

Ataatsimiititaliap kissaatigaa apequtitut siuliani allassimasunut akissutit allaganngorlugit kalaallisut danskisullu siunersioqatiginnermut atatillugu tunniunneqarnissaat. Allakkiap qarasaasiakkut [rifre@inatsisartut.gl](mailto:rifre@inatsisartut.gl)-mut siunersioqatigiinnerup kingorna nassiunneqarnissaa kissaatigineqarpoq. Allakkiap siunersiuinnermut nassatarineqassappat ataatsimiinneq sioqqullugu ataatsimiititaliap oqalutnaanut allakkiap assilineranik tunniussisoqarsinnaappat qujanassagaluarpoq.

### Inussiarnersumik



Peter Olsen

Ataatsimiititaliamut siulittaasup tullia